

**THE DINOSAUR**  
by Sheena Blackhall

A dinosaur! A dinosaur!  
We niver saw the like afore!  
The beastie maks the bairnies roar  
fae Sumburgh tae Singapore!

A dinosaur! His muckle moo  
has teeth as lang as knives  
An fin he roars, the tabby  
losses as its seven lives!

A dinosaur! His ilkie snore  
caas continents ajee.  
An fin he piddles, lochs arise  
as braid's the Irish sea.

A dinosaur! Fit dis he ett?  
A herd o coos for tea!  
He sweels it doon wi a lagoon  
o vats o barley bree.

A dinosaur! His heid's amang  
the aeroplanes an stars.  
His legs are pylons, tail's as lang's  
a traffic jam o cars.

A dinosaur's a fearsome breet  
fin it lies doon tae claw,  
Bit fin it daunces, hae a care  
skyscrapers stert tae faa!